

HO TSEBA KA KHOMISHENE YA DILOTHARI YA NAHA (NLC)

Merero ya tshebetso ya rona:

Ho etsa dintho ntle le leeme tsamaisong ya Lothari ya Naha le pokellong ya ditjhelete tse nyenyanne le ditlhodisanong tsa promoushene.

Tshehetso ya ditjhelete ho tswa Lotharing ya Naha e fana ka molemo mekgatlong e mengata mme e bopa baahi



Boto ya Dilothari ya Naha e thehuwe tlasa Molao wa Dilothari (wa Nomoro ya 57 wa 1997), mme ya qala ho sebetsa ka 1999 ho laola dilothari le diphulu tsa dipapadi mmoho le ho aba karolo ya ditjhelete ho tswa ho Lothari ya Naha bakeng sa merero e molemo.

Ka baka la dintho tse etsahetseng molaong le karabelong ya ditlhoko tse fetohang tsa setjhaba, ka Hlakola ra bona Boto ya Dilothari ya Naha e etsa mosebetsi wa ho lekola botjha Molao wa Dilothari.

Ka Mmesa 2013, Bili ya Phetolo ya Moralo wa Molao wa Dilothari le dikgothaletso tsa makgaolakgang tsa leano la dilothari di ile tsa tjhaelwa monwana ke Kabinete. Ka Motsheanong

Ka Mphalane 2013 Bili ya fetiswa ke Palamente mme ya romelwa ho ya ananelwa, mme Seboka sa Naha sa fetisa Bili ka Pudungwana 2013.

Bili ya Phetolo ya Dilothari e ile ya saenwa ho ba Molao ke mopresidente wa mehleng e leng Mopresidente Zuma ka Tshitwe 2013, moo ho qetelletseng ka ho phatlalatswa ha Molao wa Phetolo ya Dilothari (wa Nomoro ya 32 wa 2013) ka Tlhakubele 2015.

Ka Mmesa 2015, diphetolo tsa melawana ya tshebetso ya Molao di ile tsa kengwa lesedinyaneng la mmuso. Khomishene ya Dilothari ya Naha e ile ya thakgolwa ka Phupjane 2015.

Matshwao a majha a NLC



Setshwantsho sa Mokgatlo sa NLC – Se tla sebediswa feela ke bahlanka ba NLC

Setshwantsho sa Tshehetso ya Ditjhelete tsa Lotho ke NLC – Se tla sebediswa Diprojekeng Tsohle tse Tshehetswang ka Ditjhelete ke NLC

Lenane La Tse Kahare

HO TSEBA KA KHOMISHENE YA DILOTHARI YA NAHA (NATIONAL LOTTERIES COMMISSION - NLC)

Ho laola dilothari – Ho Sireletsa Setjhaba 5

Dilothari di tla ka Boholo Le Dibopeho tse Ngata. 6

Ho Tsamaisa Ditjhelete tsa Setjhaba – Ho Bokella Lothari 7

Ho tshehetsa ka ditjhelete bakeng sa tshusumetso – ho etsa bonneta ba hore setjhaba se una molemo 8

Ke mekgatlo efe e ka etsang Kopo ya Ditjhelete tsa Lothari? 9

Seo o tshwanetseng ho se etsa bakeng sa ho Kopá Tshehetso ya Ditjhelete. 12

Tshehetso ya ditjhelete ka Ho Nka Bohato. 15

HO LAOLA DILOTHARI

TSHEHETSO YA DITJHELETE BAKENG SA TSHUSUMETSO

HO FETOLA MAPHELO

Khomishene ya Dilothari ya Naha

Matla a ho etsa ho hotle

Khomishene ya Dilothari ya Naha (NLC) e fuwe mosebetsi ke Letona la Dikgwebo le Indasteri ho:

- Sireletsa setjhaba ka ho etsa bonneta ba hore ho ba le tsamaiso e tshephahlang hape e se nang leeme ya Lothari ya Naha, dilothari tse ding le diphulu tsa dipapadi.
- Ho etsa bonneta ba hore setjhaba se una molemo ho tswa ho Lothari ya Naha ka ho aba karolo ya ditjhelete tse fumanweng di fuwe mekgatlo e sa etseng dipolo e sebeletsang baahi.

Ho laola Dilothari – Ho Sireletsa Setjhaba

Lothari ya Naha e tsamaiswa ke khampani ya poraefete ka ho ya ka laesense eo ho fanwang ka yona dilemong tse ding le tse ding tse hlano ho isa ho tse robedi ke Letona la Dikgwebo le Indasteri.

Mosebetsi wa NLC ke ho etsa bonneta ba hore Opareitara wa Lothari o sebetsa ka ho latela molao ka thata le ka tsela e tshephahlang le ho sebetsa hantle haholo, a hlahisa dipolo tse ntle, mme a se na leeme ho e mong le e mong ya amehang.

Hona ho etsuwa ka:

- Ho thusa Letona ho kgetha nkgetheng ya hlwahlwa haholo bakeng sa laesense ya ho ba Opareitara wa Lothari.
- Ho tswela pele ho beha leihlo tshebetsong tsa Lothari ka ho lekola le ka mekgwa e meng ya ho ba le seabo moo.
- Ho eletsa Letona ka matlafatso ya melao e sebetsang ho lothari.

NLC hape e laola tsamaiso ya ditlhodisano tse nyenyane tse hlophiswang ke mekgatlo e sa etseng dipolo bakeng sa ho bokella ditjhelete le dikhampani tsa poraefete ha di promouta dihlahiswa tsa tsona. Bahlophisi ba ditlhodisano tse bokellang ditjhelete ho tswa setjhabeng ba lokela ho ingodisa ho NLC. Hona ke bakeng sa ho sireletsa setjhaba kgahlanong le dikimi tse batlang ho ba qhekanyetsa ka “ditlhodisano tsa thekolohelo” tseo e seng tsa nnete.

Dilothari di tla ka boholo le dibopeho tse ngata

Ho phaella ho Lothari ya Naha, ho na le mefuta e meng e itseng ya dilothari mme Molao wa Dilothari o di tshwara ka ditsela tse fapaneng. Ke ena tataiso e bonolo ya ho beha dilothari ka hara molao.

Mofuta wa lothari	Ka moo o ka e bolokang e le molaong
Dilothari tsa poraefete Mohlala: Di-office sweepstake moo ditekete di rekisetwang moifo mme ditjhelete tsohle tse fumanweng di arolwang jwalo ka tjhelete ya moputso.	Ha wa tshwanelo ho bapatsa lothari ka ntle. Ha wa tshwanelo ho rekisetsa motho ofe kapa ofe ya leng ka ntle e se setho sa sehlopha. Ha wa tshwanelo ho hira motho eo hantlentle e tla ba yena ya hlophisang lothari
Dilothari tse bopang karolo ya boithabiso bo “lokolohileng” Mohlala: Tinareng ya ho bokella ditjhelete ho ba le tlhodisano ya kgulo bakeng sa moputso o hlollang. Moketjaneng wa sekolo ditekete tsa rafole di rekisetwa mefuta e mengata ya meputso	Boithabiso bo “lokolohileng” ka kakaretso ke ba mofuta wa thekolohelo kapa ho bokella ditjhelete – e seng ho etsa kgwebo. Ditjhelete tse fumanweng ka lothari di tshwanetse ho tswela molemo sehlopha se “tshwaneleheng”. Lothari ke karolo ya ketsahalo e kgolwanyane. Meputso ha se ya tjhelete.
Dilothari tsa Sosaete Tsena ke tse tsamaiswang ke mekgatlo e ngodisitsweng bakeng sa ho bokella ditjhelete ho tswa setjhabeng. Hantlentle di bapatswa mehloding ya lesedi kapa di promoutiwa dibakeng tsa setjhaba.	Disosaete tse tsamaisang dilothari tsena di tshwanetse ho ingodisa ho NLC mme di fihlele maemo a itseng (sheba Tsamaiso ya lothari ya ho bokella ditjhelete setjhabeng).
Ditlhodisano tsa ho promouta. Dikhampani tse ngata tse kgolo di promouta ho rekwa ha dihlahiswa tsa tsona ka ditlhodisano tsa mofuta wa lothari. Bareki ba reka sehlahiswa kapa tshebeletso bakeng sa ho kenela tlhodisano.	Ha ho a tshwanelo hore ho be le tefiso e nngwe ka hodimo bakeng sa ho kenela tlhodisano. Theko e tlwaelehileng ya sehlahiswa e tshwanetse ho kenyelletsa theko ya “tekete”. Dikhampani di lokela ho tsamaisana le melawana efe kapa efe ya tshebetso e behuweng ke Letona la Dikgwebo le Indasteri.

Ho Tsamaisa Ditjhelete tsa Setjhaba – Ho Bokella Lothari

Ho molaong ho tsamaisa tlhodisano ya mofuta wa lothari molemong wa mokgatlo kapa “sosaete” e ngodisitsweng bakeng sa ho bokella ditjhelete ho tswa setjhabeng.

Empa ho na le maemo a hlakileng a tshwanetsweng ho fihlelwa bakeng sa ho hlophisa lothari ya sosaete:

- Sosaete e lokela ho ngodiswa ho NLC.
- Paloyohle ya boleng ba ditekete le boleng ba meputso di lokela ho ba ka hara meedi e itseng.
- Ditjhelete tsohle tse fumanweng, ka mora ho ntsha tsa ditshenyelelo, di lokela ho ya lebakeng leo e etseditsweng lona mme lona e be la thekolohelo, dipapadi kapa ketsahalo ya setso.
- Melawana e itseng e mabapi le papatso ya lothari e lokelwa ho hlomphuwa.

Motho ya tsamaisang lothari:

- O tshwanetse ho ba setho kapa mosebeletsi wa sosaete e tla una molemo ho tswa lotharing.

- O tshwanetse ho ba le mangolo a ho ba motsamaisi wa lothari a hlahang ho NLC.

NLC e ikemiseditse ho tsebisa ka mekgatlo e ngodisitsweng bakeng sa ho bokella ditjhelete bakeng sa ho tsamaisana le molao ha o tsamaisa dilothari.

Ho tshehetsa ka ditjhelete bakeng tshusumetso - ho etsa bonnete ba hore setjhaba se una molemo

Palo e nyenyaney ya tjhelete ho tswa teketeng ka nngwe ya Lothari e rekisitsweng e ya ho Terasete ya Letlolo la Kabo ya Lothari ya Naha e leng *National Lottery Distribution Trust Fund (NLDTF)*. Ha selemo se ntse se tsamaya, palo ena e hola ho ba palo e kgolo haholo. Mohlala, ka 2010, letlolo le fumane R1.5 biliyone ho tsa ho Lothari.

NLDTF

National Lottery distribution Trust Fund (NLDTF) e hlonngwe ka ho ya ka Molao wa Dilothari o kgethang ditho tsa Boto ho ba di-trustee (batshepuwa ba fuweng matla a ho laola le ho hlokomela) **NLDTF**. Mosebetsi wa bona ke ho hlokomela tjhelete ena, ba e tsetele ka bohlale, le ho etsa bonnete ba hore e sebediswa hantle haholo mererong e molemo. NLC hape e na le boikarabelo ba ho fana ka tlaleho ya selemo le selemo Palamenteng ka tsamaiso ya **NLDTF**.

Ha jwale persente ya lekeno la Lothari ya Naha le fetisetswang ho **NLDTF** ke 25%. Hona ho behuwe ka tsela e sa fetoheng laesenseng e fuweng opareitara ya ha jwale ya Lothari ya Naha. Beke e nngwe le e nngwe persente ena ya lekeno la Lothari ya Naha le fetisetswa ho **NLDTF**.

Dithuso tsa ditjhelete bakeng sa Merero e meng e Mengata di sebedisetswa diketsahalo tse fapaneng tse welang ka ntle ho tshebetso ya mekga e meraro e ka sehloohong. Ditho tsa Boto tsa NLC di aba dithuso tse jwalo ka ho ya ka maemo a behuweng ke Letona la Dikgwebo le Indasteri.

Melawana e phatlaladitsweng ka Mmesa 2015 e behile dihlopha tsa ditekanyetso tsa kabo ya ditjhelete mahareng a mekga ka mokgwa o latelang:

- Ya Thekolohelo 47%
- Dipapadi 28%
- Bonono 23%
- Tse ding 2%

Ke mekgatlo efe e ka etsang Kopo ya Ditjhelete tsa Lothari?

Mokga wa Thekolohelo

Mekgatlo e lokela ho ba ditheo tse sa etseng dipolo – tse jwalo ka di-NPO, di-NGO, di-Section-21 Company, di-Public Benefit Trust, dikolo – mme di sebetsa molemong wa setjhaba. Re amohela dikopo ho tswa mekgatlong ya boholo bo fapaneng, ho tswa dibopehong tsa Naha ho ya mekgatlong ya lehae le dihlopha tsa baahi.

Mokga wa Thekolohelo o na le phulu e kgolo haholo ya ditjhelete tse ajwang mme e kenyelletsa mefuta e fapaneng haholo ya mekgatlo eo hangata e tsejwang ka mekgatlo ya thekolohelo, mekgatlo e nang le mosa kapa e ratang batho, kapa dihlopha tsa setswalle.

Mokgatlo wa Kabo ya tsa Thekolohelo o tshwanetse ho aba bonyane halofo ya ditjhelete tse leng teng mekgatlong e amehang ka ho ya ka dintho tse ka sehloohong tse latelang:

- Ho atolosa ditshebeletso tsa tlhokomelo lapeng.
- Ho ntshetsa pele ditshebeletso le ditsi tsa tlhokomelo ya maqheku, batho ba kulang, le dihlopha tse sa sireletsehang, ho kenyelletswa le dikgutsana.
- E fanang ka dibaka tsa thuto bakeng sa thuto ya batho ba baholo, thuto ya bana dilemong tsa ho qala, le thupelo ya seo o ithutelang sona le mananeo a ntshetsopele ya bokgoni a buletseng batho ba qhwadileng. Ka kakaretso haholo, mekgatlo hape e ka etsa kopo ha mesebetsi ya yona e le ya ho:
 - Ntlafatsa boleng ba bophelo ba baahi ka bopha.
 - Thusa dihlopha tse neng di tingwa menyetla kapa di sa akaretswe, tse jwalo ka maqheku, batho ba qhwadileng le bana ba sa sireletsehang.
 - Fana ka dibaka kapa ditshebeletso ho bao ba neng ba tingwa menyetla.

Mokga wa Dipapadi le Boikgathollo

Mekgatlo e lokela ho ba ditheo tse sa etseng dipolo le mekga ya dipapadi – e jwalo ka di-NPO, di-NGO, di-Section-21 Company, di-Public Benefit Trust, dikolo le di-institjhushene tsa thuto – mme di sebetsa molemong wa setjhaba.

Re amohela dikopo ho tswa mekgatlong ya boholo bo fapaneng, ho tloha ho mekga ya naha ho ya ditlapong tsa metse le dikolo.

Mokgatlo wa Kabo bakeng sa Dipapadi le Boikgathollo o lokela ho lebisa halofo ya ditjhelete tse leng teng mekgatlong e amehang ka mokgwa o latelang:

- Ho ntshetsa pele dibaka tsa dipapadi le boikgathollo dibakeng tsa mahaeng.
- Ho eketsa phihlelo ya dibaka tsa dipapadi le boikgathollo bakeng sa batho ba qhwadileng.
- Ka kakaretso haholo, mokgatlo o tla ela hloko hape le ho thusa ka ditjhelete mekgatlo e:
- Etsang hore batho ba bangata ba be le seabo dipapading le boikgathollong mme o kenya letsoho nthetsopeleng ya makala ana.
- Thusang baahi ba tinngweng menyetla hore ba nke karolo diketsahalong tsa dipapadi le boikgathollo.
- Fanang ka dibaka tsa dipapadi le boikgathollo tse kgonwang ho fihlelwa ke baahi.

Mokga wa Bonono le Botjhaba ba Naha (ho kenyelletswa le Tikoloho)
Mekgatlo e lokela ho ba ditheo tse sa etseng dipolo – tse jwalo ka di-**NPO, di-NGO, di-Section-21 Company, di-Public Benefit Trust, dikolo le di-institjhushene tsa thuto** – mme di sebetsa molemong wa setjhaba.

Re amohela dikopo ho tswa mekgatlong ya boholo bo fapaneng, ho tloha ho mekga ya naha ho ya ditlelapong tsa metse le dikolo.

Mokgatlo wa Kabo wa tsa Bonono, Setso le Botjhaba ba Naha o tshwanetse ho aba bonyane halofo ya ditjhelete tse leng teng mekgatlong e amehang ka ho ya ka dintho tse ka sehloohong tse latelang:

- Ho sireletsa le ho ntshetsa pele tsebo ya meetlo le ditlhahiso tsa setso.
- Ho ntshetsa pele bonono le bobetli bo hlahiswang ke dihlopha tsa basadi le batho ba qhwadileng.
- Ho ntshetsa pele le ho baballa ditsha tsa botjhaba ba setso jwalo ka tsela ya ho hlahisa lekeno le ho ntshetsa pele baahi.

Ka kakaretso haholo, dikopo di ya amohelwa ho tswa mekgatlong e thusang ho:

- Etsa hore batho naheng ka bophara ba kgone ho natefelwa ke mefuta e fapaneng ya mesebetsi ya bonono.
- Etsa hore tsa bonono di fihlelwe ha bonolo ke batho ba bangata.
- Ntlafatsa dibaka tsa bonono hore batho ba natefelwe ke ho nka karolo ho tsa bonono.
- Fana ka dibaka tsa bonono tse ka ntle ho ditsi tsa setso tse kgolo.
- Ho kgothaletsa mefuta ya tsa bonono e sa tshehetweng ka mokgwa o lekaneng.
- Baballa le ho ntshetsa pele temoso ya tsa setso le nalane, tlhaho kapa botjhaba ba meralo.

Seo o tshwanetseng ho se etsa bakeng sa ho Kopa Tshehetso ya Ditjhelete.

Pele ho qala selemo se seng le se seng sa ditjhelete, ho bolelwa dikarolo tseo ho tla tsepamiswa maikutlo ho tsona ka mehlodi ya lesedi mme ho phatlatswe webosaeteng ya NLC (www.nlcsa.org.za)

Dikopo di amohelwa selemo sohle.

Ha ho ka etseha hore ditjhelete tse leng teng bakeng sa kabo di fele pele ho fela selemo sa ditjhelete, NLC e tla etsa tsebiso ka hoo.

Fumana ditokomane tse latelang ho tswa ho NLC:

- Foromo ya moraorao tjena e behuweng ya kopo (eo o tla tshwanelo ho e tlatsa).
- Ditataiso tsa tsamayang le tsebiso e itseng bakeng sa dikopo.

Ditokomane tsena di fumaneha webosaeteng ya NLC, le diofising tsa rona naheng ka bophara.

Ka ho latela phetolo ya Molao wa Dilothari, dithuso jwale di se di behuwe ka dihlopha tse tharo tsa boholo bo fapaneng:

Dihlopha tsa dithuso

- Dithuso tse nyenyanekgeng sa kopo ya thuso ya ditjhelete tse sa feteng R500 000

- Dithuso tse mahareng bakeng sa kopo ya thuso ya ditjhelete tse ka hodimo ho R500 000 empa di se ka hodimo ho R5 000 000
- Dithuso tse kgolo bakeng sa thuso ya ditjhelete e ka hodimo ho R5 000 000

Nako ya ho Inahana

Bakopi ba tshwaneleha feela ho ka etsa kopo ya thuso e ntjha ka mora dikgwedi tse 12 ho tlaha letsatsing leo ba fumaneng ditjhelete ka lona, bakeng sa ho arabela diphepetsong tsa bofuma le ho se lekane mmoho le ho tsamaisana e Morero wa Naha wa Ntshetsopele (**NDP**), mme ho bontsha ho tshwaneleha bakeng sa dithuso tsa ditjhelete tsa NLC, melawana e phatladitsweng ka Mmesa 2015 e dumella Khomishene ho latela mekgwa e mebedi ya thuso ya ditjhelete:

- Thuso ya ditjhelete e etsuwang ka dikopo (jwalo ka ha ho ne ho ntse ho etsahala haesale ka 2001)
- Thuso ya ditjhelete ka ho nka bohato (ka ho latela merero ya mmuso)

Ditemoso bakeng sa Bakopi
Lekodisisa hore kopo ya hao e tlatsitswe ka ho phethahala Sebedisa lenane la tekolo le foromong ya kopo ho etsa bonneta ba hore o kenyelleditse tokomane tsohle tse hlokehang
Kenya kopo ya hao nako e sa le teng Mekgatlo ya kabu e sebetsana le dikopo ka ho ya ka tatellano ya ka moo di fumanwang ka yona. Tse romelwang nako e sa le teng di fumana dikarabo ka potlako. Bakeng sa ho ba ka pelepele ho bohole, qala ho lokisa mabaka ao o tlilo fana ka ona bakeng sa projeke ya hao, morero le ditekanyetso tsa ditjhelete pele ho tsebiso ya ho ka kenya dikopo.
O se ke wa tshaba ho kopa thuso Ha o se na bonneta ba efe kapa efe ya ditokomane tse hlokehang kapa o hloka keletso ka mofuta wa moralu wa kgwebo kapa ditekanyetso tsa ditjhelete tse lebelletsweng, re kopa hore o iteanye le ba Setsi sa rona sa Tlhahisolededing ho 08600 65383 pele o ka kenya kopo ya hao.

Hang ho ba o etse kopo

- O tla romelwa lengolo la kananelo ya hore kopo ya hao e fumanwe.
- Kopo ya hao e tla hlahlwjwa ho bona hore e tlatsitswe ka ho phethahala e be e lekolwa ke ba ofising e Bohareng ya Dikopo ho bona hore ditokomane tsohle di lokile.

Tshalomorao le dipotso

O tla tsebiswa ka sephetho sa kopo ya hao:

- Ha kopo ya hao e ka hanelwa, Mokgatlo wa Kabo o lokela ho hhalosa hore ke hobaneng. Lebaka leo le lokela ho o thusa hore o fihlele ditlhoko dikopong tsa hao tsa nakong e tlang.
- Ha kopo ya hao e atlehile, o tla fumana nehelo ya thuso. O na le matsatsi a 30 a ho amohela hona ka ho romela Tumellano e saennweng ya thuso mmoho le tlhahisolededing e nngwe e hlokehang. Ha o ka hloleha ho fihlela nako eo e behuweng nyehelo eo ya thuso e ka hlakolwa.
- O tla lebellwa hore o romele tlaleho ya kgatelopele dikgweding tse tsheletseng ka mora ho fumana thuso kapa hang ho ba o sebedise 75% ya thuso, mme ho tla ya ka hore ke hofe ho tla etsahala pele.

Mekgatlo ya Kabo

Molao wa Dilothari o bolela ka ho hlaka hore ho tshwanetswe hore ho hlongwe mekgatlo ya kabotjhelete ka ho mokgwa oo ka ona Terasete ya Letlole la Naha la Kabo ya Lothari e leng *National Lottery Distribution Trust Fund (NLDTF)* e etsang qeto ka dikopo tsa thuso.

Ka mora tshebetso ya ho thongwa ha batho, ditho tsa mekgatlo ya kabotjhelete ka tsela e se nang leeme hape e lekanang pakeng tsa batho ba fihlelang ditlhoko tse behuweng” (Molao wa Dilothari, karolo ya 28(1).

Ha jwale molao o lokisetsa mekgatlo e meraro e jwalo:

- Mokgatlo wa Kabo bakeng sa Thekolohelo.
- Mokgatlo wa Kabo bakeng sa Bonono, Setso le Botjhaba ba Naha.
- Mokgatlo wa Kabo bakeng sa Dipapadi le Boikgathollo.

Boto le Mekgatlo ya Kabo e tshehetso ke moifo wa dinako tsohle tsa NLC diofising tse naheng ka bophara.

Nako le nako, ho hlahisa melawana e tataisang mekgatlo ya kabotjhelete ka tsela e se nang leeme hape e lekanang pakeng tsa batho ba fihlelang ditlhoko tse behuweng” (Molao wa Dilothari, karolo ya 28(1).

Ditlhoko tsa ntshetsopele tsa Afrika Borwa le mokga wa di-NGO/di-NPO di batsi haholo, mme ditekanyetso tsa ditjhetele tsa NLC ha di kgone ho di kenyelletska kaofela ha tsona ka selemo se le seng. Bakeng sa ho etsa bonnete ba hore kabotjhelete ka tsela e se nang leeme hape e be le tshusumetso, ho tsebisa dikarolo tseo ho tla tsepamiswa maikutlo ho tsona bakeng sa selemo le selemo sa ditjhetele.

Tshehetso ya ditjhetele ka ho nka bohato.

Ho saenwa ha Bili ya Phetolo ya Dilothari ho ba Molao (Molao o Fetotseng wa Dilothari wa Nomoro ya 32 wa 2013) ka Tshitwe 2013 le ka ho phatlalatswa ha Melawana e tsamaelanang le yona ka Mmesa 2015 ho ile ha tiisetla hore ho be le phetoho e kgolo sebopethong le ditshebetong tsa mokgatlo.

Hara diphetoho tse ding tsa boholoka tse tlisitsweng ke Molao wa Phetolo ya Dilothari wa Nomoro ya 32 wa 2013 ke karolo ya 2A temaneng ya 3 le 4 e bolelang hore:

“Khomishene e ka re, ha e kotjwa ke Letona, boto kapa ka mosebetsi wa yona ka therisano le boto, ya etsa dipuputso ka mesebetsi e molemo e tshwanelehang e ka thuswang ka ditjhetele ntle le ho kengwa ha kopo e behuweng ka ho ya ka Molao”.

Temaneng ya 4 e boela e bolela hore “Khomishene e ka re, ha e kotjwa ke Letona, boto kapa ka boikitlaetso ba yona ka ho rerisana le boto, ya mema dikopo bakeng sa dithuso tsa mesebetsi e molemo e tshwanelehang ka mokgwa o behuweng”.

Ho kenyelletswa ha karolo ya 2(A) temaneng ya 3 le 4 Molaong wa Phetolo ya Dilothari wa Nomoro ya 32 wa 2013 ho fane ka monyetla wa hore Khomishene, Boto ya balaodi le Letona ho tshehetso ka ditjhetele ka ho nka boemo mesebetsi e molemo e tshwanelehang e tsamaisanang le lenanetaba le batsi la ntshetsopele la naha le jwalo ka Morero wa Ntshetsopele wa Naha.

Ho tshehetsa ka ditjhelete ka ho nka bohato ho tla thusa Khomishene ho tshehetsa diprojeke tsa ntjhafatso ka sekgahla se seholo le ho tshehetsa ka tshohanyetso dikoduwa tse ding tsa tlhaho, le tse ding hape.

Ka moo tshehetso ya ditjhete ka ho nka bohato e sebetsang ka teng	
Tshebetso ya Tshehetso ya Ditjhelete ka Ho Nka Bohato	
Ho Nka Bohato Bo Rerilweng	Ho Nka Bohato Bo sa Rerwang
Diphuputso (Data ya Poraemari le ya Sekondari)	Ho hlwauwa Boemo ba Tshohanyetso, Tlhaho, kapa koduwa e nngwe
Kgetho ya Mokgatlo o tla kenya tshebetsong le Ditherisano le Bakgathatema ba Bohlokwa	Kgetho ya Mokgatlo o tla kenya tshebetsong le Ditherisano le Bakgathatema ba Bohlokwa
Tekolo le Tlhatlhobo	
Ho Tjhaela Monwana Mohopolo ka ho ya ka Ho fana ka Taolo	
Komiti ya Tiisetso (Tiisetso ya tshebetso e tla latelwa)	
Ditherisano tsa Boto	
Tlaleho	

Ho tlaleha diketsahalo tse tlolang molao

Re na le tjheseho hape ya ho fumana ditemoso ho tswa setjhabeng mabapi le ho belaelwang e le dilothari tse bokellang ditjhelete le nqeng tse ding moo dithuso tsa NLC di ka sebediswang ka tsela e sa lokang. O ka iteanya le ba diofisi tsa NLC kapa wa kena webosaeteng ya NLC ho tlaleha taba tse jwalo.

Aterese ya Poso ya Ntlokgolo

Private Bag X101
BROOKLYN SQUARE
SOUTH AFRICA
PRETORIA
0075

Aterese ya Moaho ya Ntlokgolo

Block D, Hatfield Gardens
333 Grosvenor Street
Hatfield
PRETORIA
0083

Ofisi ya Provense ya Limpopo

No. 5 Landros Mare Street
Polokwane
0699

Ofisi ya Provense ya Kapa Botjhabelo

No.7 Rochester Road,
Vincent Park
East London
5200

Ofisi ya Provense ya Kapa Leboya

11A Schmidt's Drift Road
Kimberley
8300

Ofisi ya Provense ya Kapa Bophirima

Manhattan Place
130 Bree Street
Cape Town
8000

Ofisi ya Provense ya Foreistata



280/282 Stateway, Bedelia

Welkom CBD

9459

Ofisi ya Provense ya Mpumalanga

29 Rood Street

Sonheuwel Dorp

Nelspruit

1200

Ofisi ya Provense ya Kwazulu-Natal

Office 22, Smartxchange Building

05 Walnut Road

Durban

4001

Ofisi ya Provense ya Leboya Bophirima

12 Visser Street,

Mafikeng

2745